

საპატრიარქოს წყობანი



საქართველოს
საპატრიარქოს
პრესცენტრის
ყოველკვირეული
გამოცემა

№12

922

28 მარტი - 3 აპრილი 2019 წ. გამოიცემა 1999 წლის 8 იანვრიდან
ფასი 70 თეთრი

- ✠ პატრიარქის ქადაგებები
- ✠ „თანამედროვე ადამიანი
ვირტუალური სამყაროს
ტყვედ იქცა“
გვესაუბრება
მღვდელი
დავით
მექვაბიშვილი
- ✠ ჯვართაყვანისცემა
- ✠ გვიანი ანტიკური ხანის
ნოკლათონური ტრადიცია
შუა საუკუნეების
საქართველოში
- ✠ მაგისტრის დიპლომების
გადაცემის საზეიმო ცერემონია
- ✠ „...გვიყიდან ჩუენ შენ ღმრთისა
სისხლითა შენითა
ყოვლისაგანვე თესლისა და
ენისა და ერთა...“
- ✠ დეკანოზი
გაბრიელ გარნაბიშვილი



სადაც
ჯვართა,
იქ არის
ქრისტი



✠ გაერთიანება
საპატრიარქოს
„გემოვანი“ და
კური „მჯათამოვა“

ფოთისა და ხობის ეპარქია - ახალი საქართველოს უნივერსიტეტი

**ახალი საქართველოს უნივერსიტეტის
ახალი გამოცემების პრეზენტაცია**

2019 წლის 22 მარტს ახალი საქართველოს უნივერსიტეტში ორი ახალი სამეცნიერო პუბლიკაციის პრეზენტაცია გაიმართა. ეს პუბლიკაციებია: „ჰეგელის რელიგიის ფილოსოფია“ (კრებულის რედაქტორი — პროფ. თენგიზ ირემიძე) და

„შესაქმის მართლმადიდებლური ხედვა“ (მიტროპოლიტი კალისტე უეარი, ქართულად თარგმნა ასოც. პროფ. გიორგი ხუროშვილმა, რედაქტორები: მიტროპოლიტი გრიგოლი (ბერბიჭაშვილი) და პროფ. თენგიზ ირემიძე). პირველი მათგანი ახალი

საქართველოს უნივერსიტეტში 2017 წელს გამართული საერთაშორისო სამეცნიერო კონფერენციის მასალებს მოიცავს. მასში შესულია რელიგიის ფილოსოფიის წამყვანი ქართველი (თ. ირემაძე, მ. გოგატიშვილი, გ. ხუროშვილი, ლ. ზაქარაძე) და უცხოელი მკვლევარების (პ. შნაიდერი, ჯ. რინალდი, გ. კრუკი, ტ. კლემანტი, ჟ. მარმასი, ნ. ვასცეკი) სტატიები დიდი გერმანელი ფილოსოფოსის — გეორგ ვილჰელმ ფრიდრიხ ჰეგელის რელიგიის ფილოსოფიის შესახებ. რელიგიის ფილოსოფიაში ჰეგელის ნააზრევი მსოფლიო აზროვნების ისტორიაში განსაკუთრებულ ადგილს იკავებს. ამასთან, საქართველოში ეს საკითხები ნაკლებად გამოკვლეულია. ამ ორი ფაქტორიდან გამომდინარე და კრებულში შესული ავტორების კვალიფიციურობის მაღალი დონის გათვალისწინებით, თამამად შეიძლება ითქვას, რომ მოცემული კრებული ქართულ ფილოსოფიაში სრულიად ახალ და უმნიშვნელოვანეს სიტყვას წარმოადგენს.

რაც შეეხება მეორე გამოცემას, ის მსოფლიოში განთქმული მართლმადიდებელი თეოლოგის, მიტროპოლიტ კალისტეს (უეარი) თხზულებას წარმოადგენს, რომელიც ქართულად თარგმ-

ნა ახალი საქართველოს უნივერსიტეტის ასოც. პროფესორმა გიორგი ხუროშვილმა. მიტროპოლიტ კალისტეს ტექსტში მრავალი მნიშვნელოვანი საკითხია განხილული. აქ საუბარია ადამიანისა და ღმერთის ურთიერთობის, ადამიანის სხვა ადამიანებთან და გარესამყაროსთან მიმართების შესახებ. თხზულებაში წარმოჩენილია ის პრობლემები, რომლებიც განსაკუთრებული სიმწვავეთ დგას თანამედროვეობაში — საგანგებოდ ეთმობა ყურადღება ეკოლოგიის საკითხებს.

სამეცნიერო ღონისძიება გახსნა ახალი საქართველოს უნივერსიტეტის პროფესორმა თენგიზ ირემაძემ. სიტყვით გამოვიდნენ: ახალი საქართველოს უნივერსიტეტის რექტორი, ფოთისა და ხობის მიტროპოლიტი გრიგოლი (ბერბიჭაშვილი), პროფ. ლალი ზაქარაძე და ასოც. პროფ. გიორგი ხუროშვილი. მათ ამ პუბლიკაციათა მეცნიერული მნიშვნელობის შესახებ ისაუბრეს. პრეზენტაციის შემდეგ დამსწრე საზოგადოებას ორივე წიგნი საჩუქრად გადაეცა.

დაინტერესებული მკითხველი ამ გამოცემების შეძენას შეძლებს წიგნების მაღაზიათა ქსელ „ბიბლუსში“.